

邵陽縣鄉土志卷一

歷史

建置

縣居楚南服屬古荊州漢以前鮮見載籍然衡嶽瀟水實經縣地詳後山川磅礴鬱積之氣固閼極必宣日漸昭著也今述鄉志建置第一

縣附寶慶府郭於天文分野為屬軫十一度於北極出地為二十七度零四分於順天中綫為偏西五度零六分距京師四千八十五里距省城五百里今案相距里數此據近志言大清一統志則載東北至長沙府治四百五十里自府治至京師五千里

邵陽縣鄉土志

卷一

歷史

建置

一

邵陽名縣始自晉武帝太康元年

漢初置昭陵縣屬長沙國平帝元始五年分昭陵置

昭陽侯國屬零陵郡東漢獻帝建安中昭陵縣亦改

屬零陵郡為北部都尉治晉武帝以父諱昭始改昭

陵曰邵陵昭陽曰邵陽自晉以後邵陽沿稱至今

今案漢昭陵晉邵陵今邵陽縣城地是也漢昭陽晉邵陽其故址在今東鄉安上都距縣治七十里之兩頭塘市等處也昭陽邵陽地當桐江水和尚橋之北曹家壩槎江水來會之上今鄉人呼其處曰縣塘曰城牆邊俱可以證邵陵邵陽必先知其舊治所在方不誤又案一統志於邵陽縣分行載漢置昭陵縣屬長沙國後漢屬長沙郡表內昭陵並載兩漢屬長沙郡道光府志亦謂兩漢昭陵皆屬長沙而元和郡

縣志昭陵漢屬零陵蓋漢末度屬也光緒元年邵陽縣志則謂武帝析昭陵置都梁夫彝二侯國平帝又析置昭陽侯國並屬零陵郡東漢時昭陵仍屬長沙郡昭陽屬零陵似以昭陵當前漢時曾屬零陵東漢時乃還屬長沙郡耳未審何據

縣治與昔所隸邵州同城始自唐太宗貞觀十年

邵陽縣城初在晉邵陽舊治自太宗踐阼以民少吏多大加併省貞觀十年徙邵陽治晉邵陵故城邵州亦自資水北來理於茲由是州縣合居一城

今案晉邵陽縣城在今東鄉兩頭塘市等處與邵陵縣在今縣城異即後此邵陽隸於邵州亦係隔資水對治邵州舊治今資江北岸是也明統志云建州城在府城北二里隔資水晉邵陵郡治此隋改建州自

邵陽縣鄉土志

卷一

歷史

建置

二

太宗徙邵州邵陽同居一城後世因之邵陽遂為寶慶府附郭首縣

邵陽古荊州域後屬長沙零陵或屬邵陵湘州潭州建州邵州

邵陽自唐虞夏及周皆荊州地也春秋戰國屬楚秦為長沙郡境漢為長沙國長沙郡零陵郡境三國吳

孫皓寶鼎元年以零陵北部為昭陵郡領縣五陳壽三國

志於吳書皆作邵陵此史官追避非事實也韋昭改曰韋曜同此晉屬邵陵郡宋齊

梁陳同隋屬潭州隋末蕭銑割據屬建州亦曰南唐

屬邵州五代晉天福中暫改敏政縣時邵州改宋仍

屬邵州南宋理宗以後邵州改曰寶慶初為府後為軍元改路明仍為府本朝因之縣隸寶慶無異

邵陽疆域分合今頗狹於隋代闊於漢晉

晉循漢舊昭陵昭陽分治但易昭為邵邵陽在今兩頭塘市諸處

見陳時省邵陵入邵陽兩縣雖合為一縣治則非今

邵陽城也惟隋省都梁扶彝原作夷二縣入邵陽徙治

於舊邵陵縣時都梁沿漢都梁侯置即今武岡州地

扶彝沿漢扶彝侯置即今新甯縣地幅員特闊於前

代道光府志沿革表漢都梁在今武岡州東北五里晉及陳都梁在今邵陽西百十里桃花坪唐武岡

邵陽縣鄉土志

卷一

歷史

建置

三

即今城步縣漢扶彝在今邵陽西六十里梅州梁扶

陽故城即今新甯城在今新甯東二里今案隋省

都梁扶彝二縣入邵陽是時都梁循晉陳之舊故址

在桃花坪雖屬今邵陽實與武岡壤地相接扶彝梁

地居洞庭上游

邵陽附寶慶府郭北據資東據邵西門亦與資水密邇

縣城附府高二丈五尺周一千三百十一丈南門甕

城長二十八丈西門甕城長二十九丈高與城竝凡

礮臺十二樓七門五東曰朝天西曰定遠南曰大安北曰豐慶西北臨津南城上宋知邵州劉保建有鎮邊樓明指揮姚琮改曰鎮南又

有回香閣。明參政潘瀾改曰會香紫閣。後廢。北門
豐慶。乾隆志稱曰慶豐。東北隅。上有橫翠樓。故址。
國初偏沅巡撫袁廓宇塞臨津。
門。乾隆末以形家言仍啟之。
咸豐初粵西賊熾。署

知縣黃文琛以大石補甃女牆。十一年署知府邵綬名於城上築舍百一

十四代張幕每塚置石墩凡千一百四十七城內三漏水由之出。一在臨津門右

一北城一城東北倚江為塹。西南有濠。咸豐元年知

府魁聯鑿自火神廟後。左向繞城。至西門外紫坊頭

止。右向繞城。至邵水濱止。又於邵水外官道北鑿至

資水濱止。南至張家衝止。當道為石礮臺。同治三年

紳民請於官復臨壕築以石城。

邵陽縣鄉土志

卷一

歷史

建置

四

知縣署後。築資水前望六嶺。明改宋李傑晝錦樓舊址為之。

縣署居城之中。明洪武初以宋大寺理卿縣人李傑

晝錦樓舊址。改建縣治。西為獄。順治十八年知縣顏

堯揆。增建羈候所。乾隆二十七年知縣蕭聚崑以囚

多病疫。請移倉署左。以其地增獄舍五。典史署在縣

署右。縣學署在東門外。巡檢署在西北隆回一都。明

洪武五年立。今因之。與縣署同城者。府署在縣治東

大門外。為府監經歷。舊居署左後移府大街左。復有同知

署乾隆七年移城步縣境長安營縣治東有通判署
卽邵州舊治道光十二年移桃花坪府學署協署均
在縣治西南協署卽守道行署都司署在縣治東千
把外委署均在縣治西今廢各賃居爲署演武廳在
西門外舊在北塔寺後考棚在縣署西南隅

城內舊署之可考者布政分司署在守道左今廢爲
府治官地按察分司署在府治東明嘉靖時以舊行
察院改建後稱都督府爲兵巡道行署時考棚未建
督學按臨駐節於此今廢改建武廟推官署在府堂

邵陽縣鄉土志

卷一


歷史

建置

五

右康熙六年裁缺廢道光二十五年郡守黃宅中復
修理刑廳今復廢照磨署舊在府署左燬於兵移大
街民地司獄署舊在府署東後移東街民地缺裁並
廢縣丞署舊在縣署東乾隆十一年裁缺廢主簿署
在縣署東今廢寶慶衛指揮署在府署西分守道右
洪武七年建今燬醫學陰陽學均領於府無署以外
未同城者黑田巡檢署在城東七十里乾隆二十五
年移蓼溪司駐此道光十五年缺裁鄉人改建資東
書院近爲資東小學堂

邵陽沿革大略圖



政績

邑令為民父母官。曰賢曰否。政教治忽。因之錄自。潘京以後。逮咸豐中。周玉衡諸人。詳往哲勸來許也。教職丞尉。以時並厠。政績第二。餘俟續增。

晉

潘京。字世長。武陵漢壽人。晉漢壽縣。今常德府附郭武陵縣是。以舉秀才

到洛。尚書令樂廣深歎其才。歷巴邱邵陵泉陵三令。

明於政術。道不拾遺。京見晉書卷九十良吏傳。舊志謂見晉本紀疑字誤。

唐

邵陽縣鄉土志 卷一 歷史 政績 九

宇文宣。明皇天寶朝。以監察御史令邵陽。大樹風教。康

父黎元。嘗改建虞帝廟。張謂為作碑記。廟舊在治北一里許。

今案道光府志作宣攝邵州令。唐時邵陽自為縣也。州蓋縣誤。又案縣志宇文宣前有唐鄭渾為邵陽

令。多惠政。分行云。見隋書經籍志。此處存疑。

穆質。河內人。河內唐縣屬河內郡。今河南懷慶府附郭河內縣是。舉賢良方正。代

宗大歷七年。以左補闕忤韓滉。左遷邵陽尉。有惠政。

莊齊。馮翊人。唐馮翊縣屬關內道同州。今陝西省同州府附郭大荔縣即其地。憲宗元

和二年。為邵陽令。甚著循聲。嘗因旱。禱雨文斤山。立

應。百姓歌之。縣丞潘滔為作文公祠記。

宋

周嗣恭蒲城人。宋蒲城縣今陝西同州府蒲城縣是徽宗宣和七年知縣

事。剔弊除奸。案無留牘。

今案縣志宣和作致和。致係字誤。徽宗有政和無致和。即前此仁宗皇祐後改元至和。字亦作至。不作致。

此云宣和七年。從道光府志。

朱敏零陵人。宋零陵縣今永州府附郭零陵縣是敏舉

甯宗慶元五年進士。授邵陽主簿。質性厚重。居官不

尚威嚴。人皆憚之。不敢私干。以廉直著聲。

元

邵陽縣鄉土志

卷一

歷史

政績

十

溫淵。籍貫未詳成宗大德六年任邵陽縣尹。邑舊無學。淵即

周子邵州學故址。創建縣學。邵陽有縣學自淵始。淵繼

任者曰范天貢。性篤厚。有惠績。閱七載。以仁宗皇慶二年卒。官士民為經紀喪事。子孫因家於邵。

鞠志元巴陵人。元縣今岳州府附郭巴陵縣是順帝元統元年進士。試

中書省蒲輪賦。為時所誦。任縣縣丞。後升宣都尹。

明

辭得中。武功人。明縣今陝西乾州武功縣是洪武初。由儒士徵。授邵

陽知縣。值元末學燬。得中鳩工重建。規制益備。為政

惠愛。黎元作興。士類出於至誠。

案得中縣近志作德中道光府志
悉作得中今作得中此從府志

周舟永嘉人

明縣今浙江溫州府附郭永嘉縣是

洪武初任邵陽縣丞覈

民貧富為三等均其徭役數年流亡盡復旋擢吏部
主事民詣闕乞留帝賜宴遣之

徐貞建安人

明縣今福建建甯府附郭建安縣是

洪武二十二年任訓導

才行卓異永樂初行取至京上復詔遣之遂家邵陽

祀名宦

孫浩

未詳籍貫

成祖永樂中任邵陽知縣以循良稱遭喪去

官仁宗洪熙元年陝西按察使頌浩前政請令補咸

邵陽縣鄉土志

卷一

歷史

政績

二

甯宣宗嘉歎即命起復久之超擢辰州知府

浩事見明史循

吏李信圭傳宣宗即位當洪熙元年六月超擢辰州邵陽近志作衡州

何永芳四川進士

未詳何縣

宣宗宣德六年任邵陽知縣縣

租初運京資水湍急經三百里灘舟少全永芳請改

折色銀以運費編於正供寶慶免賠運苦自永芳始

嘗修學宮薛瑄為之記祀名宦

黃惠新淦人

元縣今江西臨江府新淦縣是

武宗正德初以鴻臚寺序

班出知邵陽為政平易人不忍欺

楊幹山東人

未詳何縣

正德三年任縣主簿介節不苟能於

其職去之日行李蕭然

符匡黃巖人明縣今浙江台州府黃巖縣是正德四年任縣教諭文行

俱修士林遵式祀名宦

何問內江舉人明縣今四川資州內江縣是正德六年知邵陽縣性

慈惠不忍擾民聽訟明決時無冤獄在治四年勞瘁

備至繼問任知縣治行與問同者為金麟永持躬廉

潔邑有利害興革殆盡

王永徐州舉人徐州今江蘇徐州府是孝宗宏治十六年任邵陽

知縣勤慎不苟卒於官賴士人賻還其櫬

邵陽縣鄉土志 卷一 歷史 政績 三

李棠籍貫未詳世宗嘉靖八年任縣捕廳清操介節捕盜賊

能盡其職

黃琢南充人明縣今四川順慶府附郭南充縣是嘉靖十一年任縣主簿

有節概不阿上官尤刻苦自厲一裘十年不易

胡嘉賓宜賓監生明縣今四川敘州府附郭宜賓縣是嘉靖三十二年任

縣丞取與不苟嘗權瀏陽縣事貧甚鬻馬乃歸

鄭守矩京衛人府志守矩籍上元今江蘇江甯府附郭上元縣是嘉靖三十八

年任邵陽縣次年大水縣學傾圮捐俸重修復創纂

縣志考歷代官邵者姓名莅任年月日題名碑自為

文記之語殊沈痛

經仁本桂林舉人

桂林今廣西首府桂林府是舊志未言何縣

神宗萬曆七

年知邵陽縣值歲饑亟請發振並議條例授民荒村僻壤皆屏騶從親往民以全活

趙維坤羅山人

羅山今河南汝甯府羅山縣是維坤近志作維紳

萬曆十年任

邵陽知縣繼經仁本後政以愛民為本尤重士莅任

三年嘗修治縣學及城隍祠補輯縣志

案維坤以萬曆十年任此從縣近志道光府志作七年維坤繼經仁本後非七年也七誤

孫樾舉人

未詳何籍

萬曆二十年任邵陽知縣性慈惠於治

邵陽縣鄉土志

卷一

歷史

政績

三

東五里置義塚又佐分守道金學曾救荒振濟安定著有勞績

李廷柱晉江貢生

晉江今福建泉州府附郭晉江縣是

大學士廷機之弟

萬曆二十九年任邵陽教諭持身莊潔不以家世自矜教士學行為先師範肅然

洪文淵建水人

建水今雲南臨安府建水縣是

萬曆三十八年任知縣

自守嚴能為人所難為在邵數載衣澣視事一時化

其恭儉與繼任歸安吳仕昂同稱先後兩廉吏

歸安今浙

江湖州府歸安縣是仕昂此從府志作仕縣近志但作士仕昂著有造士錄

蔣雄才茂州歲貢生。茂州今四川茂州直隸州是。萬曆四十八年任

邵陽縣丞性狷介食不二簋長吏聞其貧或餽之亦

不受故事衛軍無後者必檄原籍取其家丁口充補

無則取同姓及鄰近民謂之勾軍株累動千計雄才

遇勾攝擾害事力為昭雪不及無辜

劉登庸廬陵人。廬陵今江西吉安府附郭廬陵縣是。廣西籍舉人光宗泰

昌元年任邵陽知縣。府志稱萬曆末時神宗崩於是年八月。勤治事篤

意學校嘗採形家言於資邵二水匯處捐建文昌閣

喻應問新建舉人。新建今江西南昌府附郭新建縣是。熹宗天啟二年任

邵陽縣鄉土志。卷一 政績 古

知縣御左右嚴或伺其急行私廉得之必悉置於法

時稱喻鐵耳

冉師舜四川歲貢生。未詳何縣。熹宗天啟二年任縣主簿性

尚氣節遇事不為勢撓時稱強項主簿

張軌端華亭人。未詳何省。懷宗崇禎十年知縣事嚴汰阜隸

白役以腰牌給正役為驗民以不擾會湘鄉天王寺

賊起督民晝夜城守尤力祀名宦

王紱貴州貢生。未詳何縣。崇禎十五年任縣教諭學署故在

東郊癸未流賊張獻忠陷郡或勸之逃紱曰今日正

見危授命時也竟不去賊至遇害祀三忠祠

明時任諸職有可稱見於縣志者知縣尙有盧泰州韶州

人徐淮臨桂人馬才掄合州人曾拯廣昌人鄒廷選清江人張

鍵廬州人黃孫茂廣昌人朱萬年新建人縣丞則葉盛歸安人

羅欽馬湖人陳式烏撒衛人教諭則劉同永興人楊翔樂安人鄭

肅祁門人鄒文元閩縣人翟守謙東莞人訓導則徐瓚山陰人

李一夔南昌人附姓名籍貫於此

國朝

楊演字次義江南興化人興化屬今江蘇揚州府順治十年令邵

邵陽縣鄉土志卷一 歷史 政績 五

時公私廨宇悉成瓦礫演手諭招流亡會縣治民舍

草創初定尋罹火災復出俸按戶給錢資其椽蓋偏

沅巡撫袁廓宇駐郡治諸鎮雲屯供給郵役立辦而

民不擾復捐金贖被虜子女死者予棺槨瘞縣境上

賢里祀遺愛祠

顏堯揆字孝敘永春人今福建永春直隸州是順治十六年任邵

陽民饑極意振卹治獄嚴明縣人嘗彙刊所判疑案

為資陽公牘贊知府傅鸞祥請食淮鹽又以其閒修

縣志建縣學明倫堂祀遺愛祠

許名朝。紹興人。紹興即今浙江紹興府舊志未詳何縣。順治十五年由邵

陽典史擢任縣丞。性聰決。郡中興革隨問立辦。督修

兩學宮尤力。

蔣其昌。字松崖。臨淮人。臨淮今廢舊屬安徽鳳陽府。康熙三年任邵

陽興利剔弊。前後九載。捧上官檄。鞠暴卒。夜入民舍

殺七人。黜幕友。請終成信讞。祀遺愛祠。

張銓。中牟拔貢生。中牟今河南開封府屬縣。康熙四年任邵陽縣丞。

廉靜稱職。明年署城步縣。值李癩子之變。守禦有方。

又署邵陽學官。士敬愛之。

邵陽縣鄉土志

卷一

歷史

政績

六

張啟鵬。字扶南。承德人。承德縣屬今奉天省奉天府。康熙十八年任

邵陽縣。值滇變初定。安親王岳樂湖廣總督衛國均

領兵至。餽牽供億。民一無擾。全活饑黎尤眾。既又纂

縣志。踵成前令黎上材所修縣學櫺星門明倫堂啟

聖祠諸工。祀遺愛祠。

趙勉周。奉新貢監生。奉新今江西南昌府屬縣。康熙十九年任縣丞。

勤敏慈易出私俸修理丞署。又督修青龍橋有力。

王省。字曾三。亦字蒿亭。長洲監生。長洲今江蘇蘇州府附郭縣。康熙

二十八年任邵陽知縣。奉詔清丈田畝。民稱便聽。

訟明允。縣稱大治。城東設義學二。近郭置五經館。城東西隅。復設童子館二。暇輒屏騶從過之。勗諸生砥礪名行。並出私俸。置膳士田三百餘畝。自爲記。循績爲國朝寶慶牧令最。祀遺愛祠。

李架。字十千。廣西人。

未詳何縣。

康熙四十五年。知邵陽縣。有

清白吏稱。終其任。無冤民。嘗遇民間有妖爲祟。巫史不能治。架爲文牒城隍神。一夕妖遂絕。郡城南明江川王故府。架卽其地。改建試院。工鉅。民不知役。又建義學於試院左。購田贍士。乾隆間。知府王瑋。以田併入濂溪書院。改義學爲遺愛祠。祀架。其中祠去試院不百武。

邵陽縣鄉土志

卷一

歷史

政績

七

王昭被。太倉進士。

太倉卽今江蘇太倉直隸州。

康熙五十三年。任知

縣。御下嚴。折獄明允。縣諸生。奈鳳舉。爲弟訴屈。詞過激。昭被命題。使於案側。屬稿。大加獎借。鳳舉感奮。後以榜首舉於鄉。值湖南初分闈日。

李湘。字青崖。山陰人。

山陰今浙江紹興府屬縣。

康熙五十五年。任邵

陽知縣。自前王省。創九館。課民子弟。陳起元踵行之。後漸弛。至湘更置十一館。別增膳士館。車旡咎集有

壽湘文稱其課農桑緩徭役端士習理民冤又謂謁

選入都天子親試褒嘉褒然首擢為他時銓選未

有陳起元河南汲縣舉人康熙三十三年任知縣政務和簡諸無名徭費悉捐除之祀名宦

吳宏初黃安人黃安今湖北黃州府屬縣康熙二十三年任縣訓導

時邑令王省闢五經館宏初督縣子弟受業甚殷勤

又時清丈民田省以宏初才且潔己固請分任民皆

頌之

鄧鈺江南進士未詳何縣雍正七年任知縣在任最久乾隆

初知府張琳議減屯糧鈺力贊成偕上書行臺省卒

邵陽縣鄉土志 卷一 歷史 政績 六

獲減邵人至今德之

陳祖義黃州舉人未詳何縣雍正十年任縣教諭性篤謹遇

丁祭先期宿齋舍躬滌祭器潔粢盛不一事懈邑令

鄧鈺歷任九載試必延之校卷無敢稍以私干

高應遴任邱舉人任邱今直隸河間府屬縣乾隆五年知邵陽縣知

府程開業欲興濂溪書院應遴清勘嘉靖朝教授嚴

泰所謂膳學田崇禎朝分守道張天麟推官李夢日

所謂賓興田並以王省諸人所置田悉歸書院於是

膏火漸足

鄧獻璋祁陽人

祁陽今永州府屬縣

乾隆十三年任邵陽訓導獻

璋初以廩生舉博學鴻詞議敘校官在邵能以文行

勗諸生著有藕花書屋稿

周大晉沅江歲貢生

沅江今常德府屬縣

乾隆三十六年任縣訓

導躬率諸生敦本務實去後諸生立石大書方正尊

嚴學師周先生去思碑繫之以頌曰斯文保障吾道

棟梁雙江六嶺仰止景行

方世仁桐城舉人

桐城安徽安慶首府屬縣

乾隆三十九年任邵陽

知縣性勤介晨坐堂皇視事迄漏盡始休或勸節勞

邵陽縣鄉土志

卷一

歷史

政績

九

答曰古語縣官慢慢怨死者半吾勤尙無裨百一敢

慢乎縣多盜用保甲法治之寢息暇則與士人講求

有本之學去後縣人爲立碑寶慶試院左側記其治

行

林聯桂字辛山吳川進士

吳川今廣東高州府屬縣

道光十五年由

新化調任邵陽縣俗自殺及道斃者里長胥役因緣

爲奸脅富人子取財號曰燒野火聯桂聞報立單騎

往驗不實反坐之豪猾大窘

張迎煦仁和優貢生

仁和浙江杭州府附郭縣

道光十六年署邵陽

知縣適新甯亂起城中洶洶迎昉躬率戶丁以守晝夜不倦善摘發每斷訟觀者如堵未竟漏三四下不休。

彭洋中湘鄉舉人湘鄉長沙府屬縣道光二十年任縣訓導工

古文辭在任十七年勸士民修文廟分修郡志撰列女傳蒐攷甚詳尤留心經濟前後知府皆折節與交城工義倉團防軍需多委任之。

黃文琛字海華漢陽舉人漢陽湖北漢陽府附郭縣咸豐元年署知

縣工詩古文能持正精藻鑒考試所取多知名士光

邵陽縣鄉土志 卷一 歷史 政績 三

緒初元邵陽縣志成總纂即係文琛。

周玉衡字澧香大興舉人大興順天首府附郭縣玉衡本原籍浙江咸豐七

年署知縣廉潔慈惠值蝗大起躬赴鄉竭力撲滅又

教民植桑法制纖細畢具九年粵逆石達開圍城晝

夜巡視目為之腫仁心廉聞民知之賊亦知之。

自楊演至周玉衡外國朝任職可稱並見縣志者。

知縣尚有王駿蕭山人鄭良相東昌舉人楊墳海陽貢生霍裕謙

合肥人蕭聚崑河源貢生賈構洛川進士秦漣梁山進士殷圻江陰進士曾

鈺會安舉人胡鈞鎮海進士教諭尚有王之祚德安貢生袁坦光化貢生

鄭昂黃岡貢生賀僕江夏貢生訓導尙有周從文蘄水貢生李上苑

人鄭西劉淮芷江貢生朱明霖桂陽貢生梁則尹善化廩貢典史有張

源宛平人張禹錫亦宛平人良相志載雍正五年任政嚴明

察諸爲民蠹者悉寘之法強猾斂迹墳乾隆十七年

任性廉正決獄明敏以目疾乞休卒於旅次民哀思

之餘多無實事可述姑從畧

增名宦祠祠在文廟大成門左

晉邵陵令潘京

元邵陽縣丞鞠志元

邵陽縣鄉土志 卷一 歷史 政績 三

明邵陽知縣薛得中

明邵陽知縣何永芳

明邵陽知縣黃惠

明邵陽知縣王永

明邵陽知縣張軌端

明邵陽教諭符匡

明邵陽訓導徐貞縣志祠祀門名 宦祠下作良誤

國朝邵陽知縣陳起元

右所祀十人政績均見於上

兵事

兵雖凶器。國之大事係焉。縣近志第坳諸雜誌內。今錄自漢昭烈至同治時。凡載府縣志者。提要悉書。庶幾安不忘危。治不忘亂。咸將瞿然遠慮。兵事

第三。餘俟續增。

漢昭烈章武二年。都尉習珍舉兵應漢。弗克。死之。

珍襄陽人。為零陵北部都尉。

時縣地為零陵北部。見前。

加裨將軍。

孫權襲取荊州。殺關羽。珍與武陵部樊佗舉兵起義。權使潘璿擊珍。璿招之降。珍曰。吾必為漢鬼。不為吳

邵陽縣鄉土志

卷一

歷史

兵事

三

臣。月餘糧盡。伏劍自殺。昭烈悼之。贈邵陵太守。

晉懷帝永嘉五年。正月。湘州流人杜弼據長沙反。殺邵

陵太守鄭融。

杜弼。成都人。初舉秀才。遭李庠亂。避地南平。後為醴

陵令。蜀流人汝班。杜疇。聚眾推弼為主。自稱梁益二

州牧。平難將軍。湘州刺史。攻破郡縣。害長沙太守崔

敷。宜都太守杜鑿。邵陵太守鄭融等。

詳晉書杜弼王澄傳。

梁敬帝紹泰元年。正月。邵陵太守劉棻。將兵援江陵。為

其下所殺。

紹泰縣志作紹恭誤。敬帝上亦漏書梁字。

正月邵陵太守劉棻將兵援江陵。時元帝蕭繹都江陵為魏于謹所攻

至三百里灘。部曲宋文澈殺之。帥其眾還據邵陵二

月。劉棻故主帥趙朗殺文澈。以邵陵歸於王琳。見通鑑

唐肅宗乾元二年。邵陽賊沈行收兵起。

時魯景仁起連州。黃皓起桂陽。沈行收起邵陽。各有

眾萬餘。尋討平之。此本府志作行收縣志此處作行攸誤他處仍作行收

代宗廣德二年。西原蠻陷邵州。

先是元年。西原蠻落純侯夏永等內寇。陷道州。據城

五十餘日。及是年。進攻永州。陷邵州。畱數日而去。見唐

邵陽縣鄉土志

卷一

歷史

兵事

三

書西原蠻傳

僖宗乾符六年。黃巢賊黨掠邵州。縣人鄭明起兵禦之。

不克。遇害。

鄭明。字洞天。縣東鄉白嶺寨人。嶺舊作蓮乾符六年。黃巢

自桂州。編筏浮湘江。下衡永。破潭州。賊黨入邵陽。大

肆劫掠。明起兵拒眾。寡不敵。為賊所殲。士人即所居。

立祠祀之。見府志

僖宗光啟二年。石門洞酋向瓌。使梅山十峒獠。斷邵州

道。

初陬溪人周岳聚眾趨衡州。逐刺史徐顥。石門洞酋向瓌集夷獠數千。寇州縣。陷澧州。自稱刺史。閔頊領欽化軍。僖宗中和三年。升湖南觀察使。爲欽化軍節度使。治人有恩。哀徐顥窮。納之。瓌與周岳合。召梅山十峒獠。斷邵州道。頊掩其營。墮伏。大敗。淮西將黃皓殺頊。岳遂以輕兵入潭州。自稱欽化軍節度使。見鄧處訥傳。

昭宗景福二年十二月。邵州刺史鄧處訥復潭州。殺周岳。未幾劉建鋒害之。

鄧處訥聞閔頊死。哭。諸將入弔。訥曰。與君等荷僕射

邵陽縣鄉土志 卷一 歷史 兵事 舌

恩若合一州之兵。問周岳奈何。眾曰。善。於是厲甲訓兵。積八年。結朗州刺史雷滿爲援。攻斬岳。昭宗詔拜

武安軍節度使。時改欽化爲武安。不數月。處訥爲劉建鋒所

殺。同上見鄧處訥傳。

昭宗乾甯元年。鄧處訥將蔣勛取邵州。

初。鄧處訥遣邵州豪傑蔣勛。鄧繼崇。率兵三千。斷龍

回關。拒劉建鋒。關在長沙府善化縣東。壘峯拔峙。如城。中間僅通一路。今名關山。勛

聽馬殷言。降之。建鋒以爲武岡指揮使。勛怒。率鄧繼

崇攻湘鄉。取邵州。進壁定勝。在今邵陽界。至光化二年五

月馬殷使張佶攻陷邵州。勛不屈死。

見鄧處訥及張佶傳

梁末帝貞明四年，梅山蠻寇邵州。守將樊須擊走之。

見通

鑑及十國春秋

唐明宗天成四年三月，梅山蠻寇邵州。

見通鑑

宋太祖開寶八年，梅山蠻寇武岡。帝遣李繼隆戍邵州。

時梅山峒蠻寇邵州之武岡，潭州之長沙。李繼隆領

雄武卒三百戍邵州。

雄武縣近志作隆武誤

會征江南，繼隆率

眾東伐，蠻賊數千陣長沙南，截其道。繼隆力戰，賊遁

去，手足俱中毒矢，得良藥而愈。部卒死傷者三之一。

邵陽縣鄉土志

卷一

歷史

兵事

五

見梅山蠻傳

太宗太平興國二年，發兵擊梅山峒蠻。田紹份由邵州進平之。

梅山峒左甲首領扶漢陽，右甲首領頓凌漢。寇掠邊

界，命客省使翟守素、田紹份調兵分討。紹份至邵州，

聞漢陽死去，其居十里而營，大敗其眾，擒蠻卒二萬。

取利劍二百，斬之餘五千，遣歸諭諸峒。自是其黨帖

服。

見梅山峒蠻傳

至和二年，湖南轉運使李絢至邵州，諭罷蠻兵。

五溪蠻寇湖南。擇轉運使。帝以李絢城邵州有功。特除之。絢乘驛至邵州。戒諸部按兵無得動。使人諭蠻以禍福。蠻罷兵受約。見宋史李絢傳

高宗紹興二年。賊帥曹成入邵州。

四月。知鄂州曹成陷賀州。鄂縣近志作邵帝命岳飛權知潭

州。兼權京湖東路安撫都總管。成敗奔連州。其黨散走。飛令統制張憲自賀連。徐慶自邵道。王貴自郴桂。並會連州。進兵追成。憲追及。擊破之。成走郴州。入邵州。五月。韓世忠至洪州。遣董旼招之。成聽命。赴行在。

邵陽縣鄉土志

卷一

歷史

兵事

三

見本紀及岳飛傳

十一月。湖廣宣撫使李綱。遣吳錫禽賊首王俊於邵陽。綱於二月。除觀文殿學士湖廣宣撫使。四月。拜命。六月甲午。領兵三千發福州。十一月。遣郝晷降王進於湘鄉。禽王俊於邵陽。湖南盜賊悉平。

光宗紹熙五年。辰州蠻侵擾邵州。湖南轉運判官何異。知潭州朱熹。討降之。

何異撫州崇仁人。以疏諫光宗不報。旬外。授湖南轉運判官。偶攝帥事。朱子紹熙四年十二月。差知潭州。

會辰蠻侵擾邵陽。異募山丁捕首亂者。朱子遣人諭

以禍福。蒲來矢以眾來降。蒲來矢之來。府志作東。朱子年譜則並作來。年譜云

搖人蒲來矢。出省地作過。或薦軍校田昇可用。先生召問之。以為可招。期以某日不俘。以來將斬。汝昇即以數十輩馳往。取文書粗若告身者數通。自隨。諭以禍福。來矢喜聽命。遂並其妻子。俘以至官。給衣冠。引

救不誅。附錄朱子同監司薦潘燾蔡咸疏畧云。權知邵州潘燾興教化。崇學校。庭清訟簡。囹圄空虛。湖北峒蠻侵犯邊境。移屯置砦。為民防患。悉合機宜。權

通判邵州蔡咸能設方畧。鈎致蠻情。卒能使之恐懼。納款。其他佐治有方。民被實惠。

恭帝德祐二年。元兵徇寶慶。通判曾如驥死之。

元世祖至元十三年。阿爾哈雅即阿里海牙取潭州。遣使

邵陽縣鄉土志

卷一 歷史 兵事 三

徇郴全道桂陽永衡武岡寶慶袁韶南雄諸郡。其守

臣皆率民降。惟寶慶通判曾如驥投資水死。見宋史本紀及

元史阿里海牙傳及如驥墓誌。

端宗景炎二年。張虎起兵寶慶。環邵陽應之。復新化。

三月。張虎起兵寶慶。人爭應之。遂復新化。安化益陽

甯鄉湘鄉諸縣。旋為薩里蠻所敗。失馬百計。時文天

祥開府興國。衡山趙璠與其叔父漂亦起兵湘鄉。上

書天祥。後天祥歸汀州。所復縣並陷。璠漂不知所終。

元世祖至元十八年。虎為湖廣左丞奧魯赤所擒。被

殺。分詳宋史元史文天祥奧魯赤諸傳。

元世祖至元二十五年詹一仔聚眾邵陽四望山湖南行省劉國傑平之。

湖南盜詹一仔誘衡永寶慶武岡人嘯聚四望山官軍久不能制國傑始破之斬首盜餘眾悉降將校請坑之國傑曰吾有以處之矣相地為三屯在衡曰清化在永曰烏符在武岡曰白倉遷其眾守之每屯五百人以備賊後皆為良民。元史劉國傑傳及兵志

至正七年獠賊吳天保犯寶慶殺行省左丞沙班。

邵陽縣鄉土志 卷一 歷史 兵事 三

九月獠賊吳天保陷武岡進兵寶慶遮殺湖廣行省右丞沙班於軍中。見元史本紀

至正十二年湘鄉賊陷寶慶路

七月湘鄉賊陷寶慶路湖廣元帥副使小云失海牙總管兀顏思忠復寶慶路。見元史本紀

至正二十五年吳大將軍徐達下寶慶路

二十四年八月吳王朱元璋左丞相徐達按行湖廣二十五年春達遣萬戶胡海取寶慶路擒元帥唐隆

道鎮撫李貴。隆道邵陽人貴未詳六月湖廣行省左丞周文貴

取寶慶路。吳指揮使賀興隆力戰中鄉死之。見元史明史本

紀及賀興隆傳。縣志載文貴邵陽人。本陳友諒右丞。張彬下湘鄉。遁走寶慶。至是起兵中鄉。奉元正朔。復

寶慶路。東援永州。南連廣西。出沒辰資間。

明太祖洪武元年。楊璟遣千戶王庭復寶慶路。

正月。湖廣行省平章楊璟遣千戶王庭攻寶慶。敗周

文貴於茱萸灘。追至城下。文貴遁。城潰。取之。見明大

康熙府志

景帝景泰八年。千戶楊海清拒城步苗於龍王橋。死之。

城步苗肆掠邵湘。楊海清率其妻及親兵追戰於龍

邵陽縣鄉土志 卷一 歷史 兵事 三

王橋。以後援不至。妻與其徒俱遇害。見明一統志

世宗嘉靖三年。義民胡景隆擊流寇於燕子巖。眾潰。被

殺。

流寇李政入邵陽。見嘉慶武岡志郡守委胡景隆領民兵擊

之。至燕子巖。眾潰。景隆奮勇獨拒。手殺五六人。被害。

見康熙府志至十年。又有流寇劫邵陽。義民賀冕率弟姪

福及祿等力戰死事。此本府志。縣近志則作率弟姪福璋祥。

嘉靖二十年。開山塘李成賢作亂。縣人劉溥洛斬之。

李成賢居開山塘。以化草龍變竹馬。諸妖幻煽眾作

亂開化鄉人朱志清彭珊獨與抗力竭遇害賊遂徧誘廣西武岡猺峒謀入犯參議潘九齡檄知府陳楠率所屬民兵掩捕成賢旋爲新甯鄉巨口鋪檀山人劉溥洛所擒見明一統志康熙府志劉氏譜牒嘉靖三十八年麻塘山猺作亂總兵石邦華平之

麻塘山猺作亂掠隆回及黔澁境總兵石邦華討之而平見康熙府志

穆宗隆慶五年西游山賊平

西游山賊嘯聚近十年支解平人有司率不敢問分

邵陽縣鄉土志 卷一 歷史 兵事 三

守道舒應龍嚴保甲檄民兵密捕其渠魁置之法賊乃屏息因設永靖等堡以爲守禦見康熙府志建置紀

莊烈帝崇禎十一年湘鄉天王寺賊犯邵陽未幾平

初崇禎十年湘鄉天王寺賊魏龍宇等寇邵陽三溪鄉推官李夢日率百戶馬之驊進勦驂戰沒至是復從龍山入擾至黑田鋪知府陶琪部軍民守城李夢日出督安上鄉練勇悉力禦之賊遁隨同長沙參將李先民據扼要害分道進勦賊蹙就平見康熙府志建置紀

崇禎十五年四月邵陽賊掠安化甯鄉

邵陽梅山賊掠安化甯鄉知長沙府堵允錫知府字從府志

增縣志無以鄉兵勦捕時夜雨賊猝至允錫幕客余昇持

槊上馬拒賊殺七人戰死允錫旋進破滅之見明史堵允錫

傳及長沙府志

崇禎十六年三月黃橋鋪土寇陷武岡侵邵陽境

先是岷王企鰲有爽德蓄怨遐邇罷吏袁有志密結

鄧之沛等起兵黃橋鋪直逼州城執殺王於殿階知

府譚文祐集義勇復州城有志退據黃橋鋪尋侵邵

陽境寶慶衛守備李日儀率衛軍往勦以激變平民

邵陽縣鄉土志

卷一

歷史

兵事

三

全營為民所殲見康熙府志建置紀

八月流賊張獻忠遣黨陷寶慶總兵劉承允等復之

八月十八日張獻忠遣寇黨陷寶慶知府李振珽通

判署邵陽縣事何三傑邵陽縣教諭王紱縣志官師列傳本作

紱雜志兵事則作祓道光府志則作祓被執不屈赴水死十一月總兵

劉承允會同副將張先壁黃朝宣等自武岡下先檄

上賢鄉諸生劉源澄劉人儼鍾鼎卿里民陳邦基督

率鄉團期以二十二日會西關時澄等先至賊密啟

東門以驍騎出澄等後澄儼基皆死夜三鎮兵至攻

復郡城。執偽道府廳官。百姓死傷過半。官私廬舍皆

焚燬。見康熙府志是冬邵陽猺合澈浦猺犯澈浦境。見澈浦志

國朝

世祖章皇帝順治四年。孔有德以大清兵克寶慶。

時明將吳學張先壁王俊才黃瑾趙印選等先後蹂

躪各鄉。郡大饑。斗米銀二兩。被殺及餓死者十七八。

八月。孔有德統大清兵取祁陽後。率前鋒統領線

國安。署湖廣總督佟岱。進克寶慶。斬魯王朱鼎兆。世

子朱乾生。總兵李茂功等。及步騎萬人。府學教授王

邵陽縣鄉土志 卷一 歷史 兵事 三

世定。偕分守道劉佐。指揮楊登明。乃鎮國劉壯猷。皆

死之。見東華錄滿漢名臣傳及金谿王氏譜

順治五年八月。明將張先壁陳友龍陷寶慶。十月。王進

才踞之。殺前兩浙都轉運同舒有翼。

王進才自桃源來。踞寶慶。焚掠甚慘。時明將劉體純袁忠第亦踞寶

慶舒有翼時家居。年九十矣。避亂山中。潰兵焚山。有

翼遇害。其子心忠。以身殉父。同死於火。見道光府志

順治六年四月。兵部尚書阿哈尼堪取寶慶。

四月初一日。都統阿濟格堪尼。同副都統琿錦拜音

岱率前鋒統領科爾崑白爾赫圖至黑田鋪明將馬進忠王進才來拒阿濟格堪尼等連戰皆捷會阿哈尼堪及將軍劉之源副都統金維城兵皆至進薄東門克之明總兵馬有志等結九營南山坡皆擊破之斬有志及胡進玉等七人進忠進才等皆遁未幾進忠陷寶慶至八月鄭親王濟爾哈朗擊之走寶慶以復見滿漢名臣傳及長沙府志康熙府志

順治九年七月馬進忠復陷寶慶

先是七年正月馬進忠掠邵陽以孔有德兵至走是

邵陽縣鄉土志 卷一 歷史 兵事 三

歲七月孫可望使進忠取寶慶屬縣皆陷見乾隆府志沿革

旋貝勒屯齊追李定國前鋒統領科爾崑敗馬進忠

於寶慶尋去見滿漢名臣傳道光府志謂傳作敗孫可望時可望在沅州進忠守寶慶誤

順治十年三月貝勒屯齊大敗孫可望於周家鋪頓子

嶺大兵復取寶慶頓子嶺在尚賢都南十里東安境

明將孫可望追李定國於周家鋪聞大兵至整眾來

犯連戰皆敗單騎走寶慶見行在陽秋及東華錄我

師乘勝逐之遂復寶慶可望退保楓門嶺大肆擄掠

見乾隆寶慶武岡志縣近志謂偏沅巡撫袁廓宇總兵許天寵來守當九年十二月是年大兵兩至寶慶

自三月至十一月以邵陽及武岡新甯零陵東安爲糧藪民遭蹂躪多藏匿山崗被擄殺及凍餓死者無算自袁許至民獲更生

順治十二年寶慶推官朱應昇走劉大鏞卻武岡寇

劉大鏞爲馬進忠守紫陽河不戢將士樟木嶺者明桂王遊擊武元高駐兵地也亦遭淫劫應昇密結元高謀大鏞擒其別校大鏞驚竄元高來降邊境始肅武岡寇未幾侵軼將及邵應昇於西南山隈立敵臺募丁壯守禦又遣人於江中具艨艟植旗幟揚言大軍至城內外譟聲大起寇未合圍見之乃遁偏沅巡邵陽縣鄉土志

卷一

歷史

兵事

三

撫袁廓宇時駐城上應昇全城功題以本官代管分守下湖南道兼知府同知事

順治十四年十一月孫可望自寶慶至長沙來降

孫可望爲李定國所敗十一月十五日自貴州馳至新甯入寶慶巡撫袁廓宇自衡州馳至邵陽護送詣

長沙

見行在陽秋並道光府志分注

順治十五年潰兵掠邵陽隆回三溪諸鄉

六月逃兵聚眾千餘初自隆回走新化轉向安化藍田入邵陽三溪安上梅塘萬安仁風中鄉諸鄉大肆

殺畧左路總兵王平親督兵追及之誅渠釋脅郡境

始安

見康熙府志

是年春薛志道誘邵陽苗作亂官軍亦

討平之

同上先是十四年明將高啟龍踞武岡洞有掠及邵陽事此見乾隆道光府志

聖祖仁皇帝康熙五年邵陽麻塘山猺作亂黔陽知縣

張扶翼諭降之

三月麻塘山猺與武岡城步各猺互相煽惑聚眾數

萬據險稱兵沅州總兵李逢茂會營弁領兵往討駐

營安江黔陽知縣張扶翼遣人入山招降否則進兵

猺聞願赴大隴投誠扶翼單騎馳至各猺俱來見稟

邵陽縣鄉土志

卷一

歷史

兵事

三五

受約束

見道光府志

康熙十二年吳三桂叛於雲南遣將馬寶陷寶慶

十一月二十一日吳三桂反於雲南殺巡撫朱國治

移檄遠近稱天下都招討兵馬大元帥以明年為周

元年蓄髮易衣冠雲南提督張國柱貴州巡撫曹申

吉皆從賊使其將馬寶等出湖南寇辰沅一時永寶

靖郴俱陷

賊於十三年正月初三日檄至衡州詳道光府志

康熙十八年漢軍副都統趙賴復寶慶

趙賴志初作賴開府志但作賴

初十三年吳三桂遣將龔應麟等悉陷湖南州縣十

七年三月三桂僭稱大周皇帝改元昭武八月十七日三桂死於衡州孫世璠襲位貴州改元洪化十八年正月大兵始復岳州長沙二月世璠率賊由衡州趨寶慶大掠邵陽武岡諸邑關市民居焚燬殆盡二十三日漢軍副都統趙賴開復寶慶賊將吳國貴等走武岡見聖武記東華錄衡州志康熙乾隆寶慶府志康熙二十五年吳三桂餘黨煽邵陽搖作亂鄉民廖氏率眾助官軍平之

三桂餘黨旋斯道煽邵陽澁浦諸徭爲變據仙人石邵陽縣鄉土志

卷一

歷史

兵事

三

鄉民廖氏率眾與拒寶慶總兵李雲等擊降之

具詳鄉人

廖先升記仙人石與麻塘山近在桐木溪西記謂地屬澁浦

文宗顯皇帝咸豐五年粵賊吳有祿竄四明山平之

三月粵逆洪秀全黨朱洪殷陷東安知府朱孫詒募勇二千防邑南五峯鋪知縣邵綬名縣人楊毓耜修守備四月武岡土匪楊燕山謀應之縣人鄭邦對劉榮國掩捕百餘人餘解散八月賊目吳有祿潰竄四明山五峯鋪防勇入山搜捕擒斬數百賊平見縣志咸豐九年粵賊石達開圍寶慶六月湖北援軍荆宜施

道李續宜大破之。

正月石達開自江西南安府率大眾趨寶慶號稱二十萬四月撲郡知縣周玉衡先延邑人王承澤辦團練知府邵綬名委以軍事

綬名於城圍中接篆

玉衡時稱廉潔

慈惠深得民心者也五月達開與其黨賴裕興鎖圍郡城達開駐東南鄉泥灣朱姓宅後山裕興駐城外資水北岸內外消息斷絕總兵田興恕扼城南高山賊始不得近瞰城中總兵周寬世候選道趙煥聯隔邵水營城東鼓樓亭東塔嶺援軍如候選府劉嶽昭

邵陽縣鄉土志

卷一

歷史

兵事

三

王勳副將楊恆升余星沅何紹采遊擊黃三清均集紹采三清營被賊破賊益熾時郡人布政使銜劉長佑率候選道江忠義暨李明惠劉坤一席寶田等整軍自新甯亦至次西平都之漁溪當城東北位長佑久與賊角於江西賊悉銳卒與戰城內食垂盡承澤募善泅者密書告長佑請先攻北岸城兵夾擊可得志長佑連戰敗賊值湖北巡撫胡林翼遣荆宜施道李續宜率所部由藍田赴援總統東路諸軍入自北路長佑已編筏資水爲浮橋垂渡江撲賊如承澤言

以續宜軍賊未及知特令疾渡蹈瑕奮擊續宜遂循浮橋進燬城北田家渡諸賊壘六月二十八日復伏兵小山觀突起大敗之承澤與田興恕亦渡資夾擊賊墜水死者萬餘人僵尸蔽江城圍解時賊猶蟠踞東南官軍疊擊疊勝至七月十六日賊始全數宵遁

時值月食鄉人鳴鑼號呼救賊驚謂四鄉銅鑼兵亦悉至

由東安竄廣西去是役

被圍久湖南諸宿將名臣多萃行間云咸豐十年石達開遣黨彭大順等陷城步分撲武岡新甯由邵陽邊境走東安

邵陽縣鄉土志

卷一

歷史

兵事

三


九月石達開遣彭大順等率眾陷城步分撲武岡新甯知府邵綬名以王承澤禹錫疇姚敦詒董局務以胡士瀛督西南鄉團防賊偵備嚴由邑邊走東安去穆宗毅皇帝同治二年溱浦賊唐洪三爲亂伏誅

四月溱浦莠民唐洪三乘饑煽亂隆回舉人蕭光南告變知府邵綬名檄縣人王樹棻黃精藻綜軍需王遐襄王承倬探賊籌糧前署寶慶協副將滕國獻領勇敢敗賊隆回之尤田洪三夜遁西鄉團董范石麟賀茂南促管勇副將王政坤追擒之

邵陽歷代用兵地圖

東

每方二十里



耆舊上

縣稱古南國。地處偏遠。俗尚敦樸。人物表見。恆不及他望。縣然沐召康公周元公之雅化。秉衡嶽瀟水之精靈。曷嘗不瓊瑤疊產。蒸蒸日上。進也。考時代。甄實蹟。擇尤而書。藉資感發。耆舊第四。餘俟續增。

晉

周琦。邑人。後同。為湘州從事。王敦之難。譙王司馬承。使求救於外。為魏乂所得。臨以白刃。使語城中。劉隗等破。外援絕。琦至城下。大呼王敦敗。湖北甘安南已克武昌。

邵陽縣鄉土志

卷一

歷史

耆舊

早

即日遣大眾來赴。急努力堅守。賊散矣。遂見殺。

見晉書卷

八十忠義傳

朱子帥長沙。創建五忠祠。祀承等。以琦與虞

悝等七人。肖像從祀。

唐

胡曾

號秋田。邑西鄉秋田村人。村屬今永成二都。距縣治三十五里。

初舉進士不第。懿

宗咸通十二年。路巖鎮蜀。辟曾掌書記。有草檄喻西山八國來朝事。巖敗。高駢繼之。辟曾如故。值南詔蠻橫甚。遺駢書。欲飲馬錦江。曾答以眾星拱北辰。百谷趨東海。天地尚不能違。而况於人。蠻亦屈伏。請和。曾

嘗一為延唐令請於朝建舜祠玉瑄山下著有九疑圖經又有詠史詩三卷安定集十一卷見唐書藝文志曾沒

葬秋田村祀鄉賢今祠墓如故詳道光府志

鄭明字洞天邑東鄉白嶺寨人寨屬今新甯四都距縣治五十里當唐室多事約鄉

民結寨自衛僖宗乾符中黃巢陷潭州賊黨掠及邵陽明憤甚率兵與戰不勝賊斷其頸自持首行數步

始仆妻陳氏妾顏氏皆自刎土人祀之白嶺寨距所居咫尺號曰鄭家莊國朝咸豐九年粵逆圍郡攻

掠及寨輒見明介白馬而馳賊驚遠遁居民獲安事

邵陽縣鄉土志 卷一 歷史 耆舊 望

定大吏具奏 錫封靈弼

宋

李傑仁宗皇祐五年進士今西鄉永成二都有傑故居累官知永州移知絳州

提點川東刑獄神宗元豐中以金部郎中出為荆湖南路安撫使恭儉沈靜沈縣志作勤此從府志有古名臣風知

永州時因事過邵省墓出私錢買書萬卷遺郡學又以祿入買田於鄉為義莊後田日闕易名同莊戒其

子一無所私吳潛侯延慶有記傑墓一統志載在縣東龍窩橋據光緒乙

亥年傑妻茹氏墓誌出土傑墓在南鄉上賢村新恩原

金彥城東關青龍橋人力學善屬文天資敦厚喜周困窶而敦

孝友人號義門金氏胡寅嘗記其事見大清一統志彥弟

紀以理學稱復從胡宏遊此見楚紀

聶致堯縣北鄉人事親孝臨財廉周給貧困鄉人列其事守

宰以聞詔旌其門張栻為之題額

今案致堯縣近志未列道光府志列於新化考一統志載致堯邵陽人致堯本居邵陽之高平道光府志先民傳內稱隋省高平入邵陽疆里記一稱元時以故高平地益新化致堯在宋自是邵陽縣人今縣學鄉賢祠故有致堯祀主可證致堯於邵陽新化自可兩存此與鄧處訥唐書但作邵州龍潭人異處訥亦祀縣鄉賢

邵陽縣鄉土志 卷一 歷史 耆舊 三

王元春字景毓甯宗慶元二年進士官零陵令時創縣學置義廩於

愚溪口歷官朝議大夫左司諫兼侍講終吏部侍郎

祀鄉賢

蕭文蔚進士甯宗慶元二年與蕭楹出私錢修復舊學楊

萬里為之記楹亦進士官柳州巡轄族人藻偕子德一修康濟廟藻

進士德一未陽主簿又牛宗孟孝宗時以進士第二人及第盧康時理宗朝進士並有文譽

李純忠光宗紹熙四年進士累官至知端州清介慕義有名於時

嘗出私錢獨力修邵州學縣人王元春為之記時在

甯宗嘉定十三年道光府志邵州學屢遷未定純忠出私錢備遷復之役即今郡學所

而郭外舊基經周元公所定者亦為邵陽縣學嘉定至今六百餘年仍之未改其功鉅矣

羅宗之字巨海一字樓碧特科進士邑東鄉中鄉二都人其先吉州籍祖大器

以特科除衡陽教諭衡士為買田宅於蒸水之西父

忠亦以特科除南海簿復卜居於中鄉之鐵塘宗之

於書無不讀度宗咸淳中由特科進士官翰林知制

誥疏乞還日度宗賜銀幣給廩膳御書清肅二字寵

其行宗之以所賜建永慕堂奉敕其上朝夕泣拜示

子孫不背宋意同時裴濟亦庚午進士宋亡後坐臥一室不復出

張虎元兵陷湖南時虎起義於寶慶鄰縣多應之復邵

邵陽縣鄉土志 卷一 歷史 耆舊 三

之新化潭之安化益陽甯鄉湘鄉諸縣會文天祥敗

走汀州所復縣皆陷虎與同事周龍屯新化為元將

郭昂所擒昂義之縱令歸至元十八年奧魯赤為潭

州宣慰使虎與周龍復謀起兵事覺見殺或曰龍亦邵人

明

羅永諧字貴和宋特科進士知制誥宗之曾孫仕終鞏昌知府幼敏悟讀

書一過不忘洪武八年以賢良方正舉授陝西鞏昌

府徽州知州所屬兩當縣稱難治永諧綜理精密卓

有政聲擢本府知府以疾卒官子至忠以稅戶人材舉授應天倉大使

至善屢薦不起。至禮多見古書籍金石文字。洪武二十二年舉通經儒士授廣西平南令。過洞庭風覆舟沒。至矣。舉經明行修亦不起。

梁德遠。字子明。洪武十八年進士。仕至給事中。父廷用。

洪武初以辟舉官郎中。忤旨逮繫。德遠席藁待罪。不

御酒肉。十八年成進士。辭不赴宴。謫戍命下。伏闕號

泣。請以身代。太祖嘉歎。即日貫廷用罪。授德遠工科

給事中。尋以耿直謫太平令。縣多逋賦。能去浮苛。民

塑像祀之。今案縣東鄉偏南當檀江會邵水之下。有坪上梁氏索其譜未至姑識於此。

陸榮。東鄉人。陸氏自宋時遷邵。一支居西鄉板橋鋪。一支居東鄉梅塘都。相見灣詳後。洪武初

邵陽縣鄉土志。卷一。 曆史。 耆舊。 器。

貢入太學。歷官給事中。有敢言聲。時太祖詔擇府州縣諸生入國子學。

又擇年少舉人貢生等入學讀書。命於諸司先習吏事。謂之歷事監生。同時邑人與榮

以臺諫顯者。張霖官山東道監察御史。羅彥斌官山

東巡按御史。李原暹官雲南按察司僉事。並持憲不

阿。風裁甚著。

李思聰。字伯明。邑城人。其先趙姓。宋理宗後。宋亡改姓。易理為李。以

邵州理宗潛邸。徙居之名道前。李氏明初名福者。思

聰之父。官州吏目。思聰以洪武二十七年貢太學。官

雲南蒙化知州。有循聲。子鐸。官梁山知縣。道前李氏自思聰後。以貢得官者二十

五人貢而未仕者十二人。以例得官者十人。舉於鄉者三人。門才頗盛。李氏譜。思聰墓在縣東偏雙江口。陳家坪當檀江入邵水處。

曾才瑛。字侶瓊。東鄉太平都人。父福仲。江西泰和籍。元太常博士。

以言事左遷潭州。因家邵。才瑛。洪武初徵辟。踵至。久之強起。應召。歷官光祿寺署丞。與族子御史鳳韶善。

建文時。擢衡王府審理。能規諫。靖難兵起。棄官歸。永

樂改元。胡庸將薦諸朝。再與書。不答。自號柏園居士。

才瑛。子友銘。性豪爽。見後。才瑛曾孫景鑑。能詩。官

中書。受業李東陽門。與楊廷芳。李經。稱資陽三逸。

余義宗。字承卿。東鄉中鄉都余田里人。先世有元珠者。與弟元瑛。元凱。

邵陽縣鄉土志 卷一 歷史 耆舊 巽

倡義禦寇。今余田寨下宅。其屯甲處。父玉生。元成宗

大德間。官贊善。以獻替不見。可。否。挂冠歸。義宗彊幹

有才識。明初。族有名在軍籍。例以一人往役。眾難之。

義宗奮然請行。滇帥奇其貌。與言。動中機宜。曰。汝非

行伍才也。收之幕府。積功擢至遊擊。弟義泰。以公直

於滇。途遇同縣役滿歸者。遭疾憊甚。為醫藥。左右既

卒。攜其骸。並貲歸。還其子。義宗子應雯。永樂間。為

雲南石阡府百戶。遷守備。親老乞歸。不復仕。又劉

孟才。幼有膽畧。亦以滇南有事。奮然往。累官指揮使。

黃旦虎。北鄉新甯上一。幼業儒。喜談韜畧。仕大同總兵。黃譜同府志。職官表作遊擊。與傳異。其先參將才一。明初守磨陽隘。因

家焉。旦虎世隸軍籍。既長。由僉軍充寶慶衛伍。有指

揮守備山東。攜之往。積功至大同總兵。嘗鎮雁門關。

以事忤當路。落職歸。黃譜云。得罪嚴分宜。布衣草屨。時徜徉資

水岸側。一夕數舟泊資水。蕭家灣。聞哭聲哀。迹之。則

匪徒聚答所掠婦女。旦虎怒。擊數人墜水。縛其首送

官。寘之法。資遣婦女以歸。舊志未詳年代。府志列余義宗前。

甯瑄。東鄉中鄉二都人。永樂十六年。以貢選任廣西布政司照

磨。甯氏先世曰道可者。元末自衡陽避止邑東芭蕉

峯坳頭。因為邵人。瑄歷事精敏。洊升本司經歷。性剛

介。人不敢以私干。廉聲大著。將擢。以年老致仕。明白

洪武時著令。地方官於歸休之員。待以殊禮。歲時存

問。然干謁請託。亦因此起。瑄獨杜門絕迹。不履城市。

子維。初授天津衛經歷。值河北水災。維以南方篋箕負土。易北人柳畚。工多力省。同官爭相倣效。工遂速竣。陞許州同知。時有盧珍。先瑄五年貢官。興化主簿。性仁儉。亦有治河功。黃遜。先瑄七年貢官。雲南

太和教諭。崇尚古道。誨士久而不倦。見大理府名宦傳。

王輅。宣德四年舉人。北鄉隆回四都人。官廣西道御史。有風裁。以孝友

著。同時劉鼎。官四川井研知縣。人為立德政碑。終南

直太平同知。劉銓。字伯衡。西平都白鹿人。以禮經授徒。英宗天

嘉石鳳廉吏也嘗分俸以給年九十八歲卒廷芳母張氏同

縣山東監察御史張霖之女性賢明嘗戒廷芳毋苛列當如古人所謂廷尉平廷芳之先成進士者鄧

履純以宣德庚戌榜仕布政使參議釐剔有聲曾瓚以正統戊辰榜官戶部主事以耿直忤權勢罷歸

李經字常道憲宗成化時舉人道前李氏福之後有介節宰安仁縣盜多以

撫馭得宜民賴之安未老乞休安仁人立廟祀之年

九十卒同時甯洪亦以鄉舉官知縣為政簡易居家

孝友經弟緯以嘉靖二年貢通判兗州舊志稱其博學有厚德治行一時推重

羅錠字廷用中鄉二都人父廣介休令錠五歲孤母戴延師課之

年十四隸縣學執經徐良門成化八年以國子生釋

邵陽縣鄉土志 卷一 歷史 耆舊 哭

禍廷試居首授夔州府梁山令遇利弊當興革者能

立舉而力除之性剛自處無所苟繩人亦不稍恕為

人所憚同時康憲亦以母雷氏嚴課之由成化十一年貢任廣元知縣九載蠲串錢之弊代逋乏

之征有殊政歸後恂恂鄉里率鄉人講睦鄰任郵之誼沒祀鄉賢又正德時張鶚翼武宗十六年由貢

官太平教諭家居敦睦鄉族至老手不釋卷里黨稱之

唐鳳儀字應韶正德三年進士城六亭嶺人仕終四川巡撫父佐孝宗宏治八年

舉人以母老不赴禮部試晚官慶遠推官鳳儀倜儻有

才識初為監察御史多所建白以時事方棘創請添

設監司分守各道巡按蘇松特奏褒死宸濠瑞州知

府宋以方節。按浙江俗侈，婚嫁多愆期。鳳儀限以年，編爲令甲。浙人便之，呼曰唐父。丞應天，獎薦華亭顧璘、華玉。巡撫四川，當嘉靖中。芒部隴壽隴政等爭襲，煽亂。部議改鎮雄府，設知府流官。諸部屢歲未靖，鳳儀特請如宣德中復安南故事，詔卽罷兵。蜀民大悅。事見明史。鳳儀律已嚴，不妄交。首輔楊廷和，蜀人，尺牘不通，以資升左都御史，召掌南臺事。中道聞母憂，奔歸服闋，尋卒，賜祭葬。蔭一子入監。鳳儀與父佐俱。

祀鄉賢。裔孫之舉。國朝郡學生，年九十。六知府陶珙，以百齡耆德旌其門。

邵陽縣鄉土志

卷一

歷史

耆舊

完

甯禎

字兆興，武宗正德二年舉人。仁風都高橋人。

居耶薑山麓，父堅揮，夢朱

衣人授以金簡，既覺，生禎，因名。與唐鳳儀同舉於鄉。

禎學博，吏才通敏。鳳儀器之，由高郵推官擢知連州。

州有險路，曰順頭嶺。禎出私錢，雇人甃石，不以一毫

累民。連人歌曰：順頭羊腸，今成平康，允矣使君。今之

甘棠

連於廣最繁劇，民習鬪訟，賄賂爲俗。禎廉靜，吏胥患苦，陰鳩殺之，其家不知。

段昊

字思敘，成化初歲貢。

嘉靖時爲海豐縣丞，以仁廉著稱。歸後，

足迹不履城市，屢辭鄉飲，以其產讓兄，散粟贍族眾。

戚里者無數，又獨力建諸葛武侯廟，立宗祠，修家譜。

年八十六卒。同時馬進以嘉靖七年貢。歷任武安。羅源知縣。通判大名。所至以廉明稱。

高岡鳳。字寅陽。世宗嘉靖十九年舉。祖漢。以貢官崇善人。東鄉富陽二都石橋鋪人。

知縣。因戇直。忤上官歸。父公佐。以歲貢官文昌主簿。

升蜀府奉祀。岡鳳初以城步籍補弟子員。時城步新設縣始立

學官。既舉鄉試。累官濟甯通判。保德知縣。所至有聲。歸

田後。倡建郡城北塔。以培形勝。子愈謙。孫士進。踵其

役。乃成。愈謙。士進。皆歲貢。愈謙。官楚雄知縣。士進。官慈利訓導。

甯夢龍。字兆祥。東鄉中鄉二都人。積學能文。嘗自言祖感雲山異夢。

錫以嘉名。嘉靖初。以城步學貢入監。授江西推官。不

邵陽縣鄉土志 卷一 歷史 耆舊 辛

久致仕歸。助知府陳楠。以計誘誅妖賊李成賢。得旨

褒嘉。夢龍嘗與康正宗修郡志。正宗字賓風。嘉靖庚子舉人。孤

貧嗜學。工詩。既獲鄉舉。官廣昌知縣。著有游涉廣騷

等集。今佚。

車大任。字子仁。一字春涵。萬曆八年進士。世日白馬田。車氏白馬田在城東五里。仕布政使

參政。祀鄉賢。其先丹徒人。官荊州通判。車濟。景泰初

至寶慶。樂其風土。家焉。遂為邵人。父承道。歲貢。不赴

廷試。大任幼稱奇童。十歲隸學籍。既成進士。初知南

豐縣。經流寇亂。召佃官田。糧虛困民。大任請聽民買

耕報可鄰邑亦仿行之民大稱便御史某劾令落職旋由平谷尉遷遵化令發摘如神行取歷南評事禮部郎中日與鄧廷瓚羅洪先耿定向諸人講性命學出守福州值倭寇熾練軍繕城儲穀釋撫藩釁治冠八閩丁父憂服闋赴補浙人官銓部者力注補嘉興府大任蘇漕綱兩征困大置學田養士能以尺幅定人終身擢按察副使分巡浙西道兼整飭嘉湖兵備軍政大肅晉布政使左參政分藩溫處考滿推巡撫以母老辭歸泰昌天啟改元兩奉詔進階布政使吏

邵陽縣鄉土志

卷一

歷史

耆舊

三

旌所居里第曰仁孝里年八十餘卒著有囊螢閣草

四十卷歸田集十卷古今喻言二十卷子以達以遜

以遵萬歷中歲貢車大聘者官常甯訓導遷敘州府教授未赴性嗜學喜吟詠工書法凡詩古文詞

篆隸小楷旁及裝潢雕刻均擅長繪事尤有名都中貴人有得其畫白菜一縑以為重者然意所不慊雖

以尊貴勢臨之弗可得所居負郭五里郡縣請鄉飲大賓年九十步行不杖

劉應龍

字文見一字在田與車大任同榜進士城東馬鞍山人

曾祖進天順六年

舉人官知縣父鏊恩貢官彰德府通判應龍仕御史

終南京太常少卿祀鄉賢初令崑山裁運車糧羨平

反積獄豪強斂迹民賴以甦行取御史奏減蘇州浮

糧數萬石。蘇人立祠祀之。歷按山西福建畿輔。繼掌河南道。卻供億。抑巨璫。籌邊備。伸冤獄。居臺二十載。風紀肅然。遷南太常少卿。甫一歲。即告歸。時楊時喬方以吏部右侍郎主銓政。特疏留之。不聽。屢推巡撫。亦不起。家居。買義田贍宗族。護持善類。引誘後進。如不及。著有一得編。子乾孫自珍均廩膳生。

唐興仁

字元宇。萬曆十四年進士。邑西鄉車田鋪人。

父伏貴。有隱德。嘗以里

役給事大府。興仁性耿介。倜儻。鄉評稱廉吏者。必以興仁為首。初任龍游知縣。因俗為治。民以不擾。忤上

邵陽縣鄉土志

卷一

歷史

耆舊

至

官意調簡。寶豐歲大饑。民相食。他邑多諱匿。興仁毅然曰。有司莫以告。讀書之謂何。吾不惜一官矣。獨以

實報大府。動色。疏請振濟。坐興仁救荒無策。降贛州教授。未幾卒。官貧無以殮。士民相與贈賻。以歸其櫬。

祀名宦。興仁治經有聲。尤長春秋三傳。

子懋欽。歲貢。與從兄弟懋

思懋。載均有名。時稱三唐懋。思懋。載皆天啟恩貢。興賢子懋。思以孝聞。督學董其昌甚賞其才。以貢仕。公安訓導。懋。載字袖石。博洽工詩。順治丁酉貢生。有綠聲園集。園在今中鄉一都大雲山麓。

舒有翼

字慎吾。萬曆二十二年舉人。

仕終兩浙運同。歷官二十載。清

苦過寒素。父祖儀。精宋五子學。序當貢。投牒致巾服。

督學旌以德行文學之門。祖儀無子，以兄祖仁之子為子。即有翼也。有翼初授遠安教諭，課士有法。吏部王丙，清源人，稔知有翼賢，推令其邑。既至，丙家有犯繩之不少撓，以是名大著。遷泉州同知，泉多盜難治，時有寇警，有翼嚴捕治，不少縱。在泉七年，郡以靜謐，轉兩淮運同，額課外無秋毫私。鹽政一新，歸後貧甚，處之怡然。年九十卒於順治戊子。潰兵之變，子心忠

殉。有翼同年蘇萬性，字子仁，餘干知縣，清譽翕然。

何太謙，字子益，萬曆二十六年進士，居北鄉新甯。上一

邵陽縣鄉土志卷一 歷史 耆舊 至

萬安鄉仕終監察御史，祀鄉賢。太謙嘗讀書吐秀巖，一

日見白鳥迴翔，羽毛異常，藻思頓進。初授臨江推官，

勤於職，風采肅然。擢兵部職方司主事，改監察御史，

尋卒，未竟厥蘊。太謙嘗為江南同考官，最稱得士。故

雖蚤殞，文章風節，人樂稱之。孫自志與王嗣翰、嗣乾甯朝柱諸人同舉，永曆

丙戌鄉試

周良士，字養吾，萬曆二十八年舉人，仕終臨安府同知，

兼權牂牁知府，祀鄉賢。良士有至性，侍父疾，嘗經月

不眠，兄嗜酒，醉輒怒罵，能順受之。兄為悔悟，斷酒，上

賢里常苦旱良士請於官築堰農享其利初以選貢入太學歷事銓曹既鄉舉授長武知縣武人德之擢知姚州長武民不忍釋從者塞途姚於滇僻瘠尤過

長武值兵民交訐良士調理租徭盡去苛汰巡撫府志

作巡按御史檄攝白井鹽務縣志作白鹽井稱職薦

疏有以真實心行慈祥政語稍遷臨安同知兼權牂

牂知府以勞卒官沒後二十年滇人陶珙來守寶慶

以弟子禮登堂謁墓封樹立石而去孫世和早餽於學明季友被誣

枉繫昌言訟之事始解流賊犯城身守親匿賊義之不犯與車泌書善萬備萬育皆從受業亦祀鄉賢

邵陽縣鄉土志

卷一

歷史

耆舊

五

王尚賢字思履天啟五年進士副榜仕蘇州同知祀鄉

賢先世本江西金谿籍父大傑往來吳楚嘗傾橐贖

友人罪讓產從弟尚賢始令將樂革陋規汰冒餉遷

建學宮縣雖素稱難治民祠祀之尋補蒼梧關稅甲

西南尚賢正額外不溢一絲會有旨派宗藩贍產清

出虛額軍產應之免奪民田數千畝薦遷蘇州同知

敕書褒獎既抵任兼攝長洲吳縣所至清理冤獄定

武進亂民擒丹陽劇盜置官田以蘇漕累因忤司理一夕挂帆去直指祁彪佳特疏表其歸志歸後杜門

著述得性理之傳於族人南太常時槐世所稱培南

之學者也著有棗園集二十卷尚賢家居以時政旁

午孔道絡繹明時滇黔驛道俱由寶慶額賦不給議每糧一石助

銀一錢八分以濟公用事行官民兩便後其法廢里

甲始病甚子嗣翰嗣乾尚賢從父大任與大傑始占邑籍大任居塵肆嘗積木棉

待售一遠商來購以手探棉遺七十金於內大任初

不知其何許人封存以待還之弟某少剛愎大任委

曲譬喻弟卒感動無異言尚賢年六十餘居恆呼其

名尚賢亦唯唯人並嘉其有古風嗣翰工書法貴

人求之輒不與桂藩立與弟嗣乾同舉丙戌鄉試明

亡不仕洪承疇欲招致之不得嗣乾有至性終老

於家與嗣翰俱有著述子元復以名儒著見後

邵陽縣鄉土志

卷一

歷史

耆舊

五

彭克濟

字用舟萬歷四十四年進士城南門向日塘人

仕終陝西右布政使駐

防臨洮父梅官曲阜縣丞克濟有幹才狀貌英偉莅

事敏練初授工部營繕司主事調兵部員外郎車駕

司郎中先後督修諸王宅成大婚禮採辦臨清河間

真定省帑金三之二熹宗時魏忠賢弄權力求外用

出為江西按察司副使備兵徽甯池太九江蘄州等

處江防無警以閒清復太蕪學地民祠祀之遷隴西

參政防秋有功尋遷陝西布政使駐防臨洮與洪承

疇相犄角並著威望會總督楊鶴檄巡三邊城堡猝

遇敵禽斬三百餘人。燒荒至五百餘里。幕庭遠徙。事

聞。資金綺。賜敕褒獎。會推甘肅巡撫。旋卒。

克濟弟克清以舉人

知代州。巨璫鎮雁門。抗不為屈。改陸涼州。從兄弟克澹。副榜舉人。有論癡堂集。克濟子宗孔。負才名。洪

承疇為本朝經畧。屢辟不就。著有琴操。

龔守忠

字葵仲。熹宗天啟二年。文震孟榜進士。城臨津門。教睦坊人。

仕監察御史。巡

視十庫南城。守忠之先。本籍金谿。祖顯章。商於楚。占

籍邵陽。守忠年十五。為縣學生。遊金陵十年。始歸。既

成進士。授大理寺左評事。值魏忠賢大惡。楚人守忠

久不調。日困猥瑣苦役。事皆能辦。烈皇登極。擢福建

邵陽縣鄉土志

卷一

歷史

耆舊

癸

道監察御史。慨然思有所建白。每月疏數上。彈劾不

避權勢。巡視南城。禁羣飲博戲。嚴柵欄。止夜行。詰姦

宄。都人相戒。避龔御史。最後上十事。皆切中時弊。未

報而罷。先是。上在信邸。惡仕途夤緣賄賂。即位後。知

守忠可倚。一夕手箋。令密訪。得外官通問書札二十

餘緘。贈遺甚夥。上大怒。發駕票逮諸人。中有同里彭

克濟名。廷臣不直守忠。且謂與克濟不相能。倚公快

私。並罷之。已上念守忠才。欲召使治兵。擊流賊。宰臣

尼止。又特詔九邊立功。謝不起。乃賜南臂重臣。建坊。

守忠子爾仕附貢張同敞奉詔徵舊家子弟以通判用不就孫默有氣節某甲與乙訟窺默宿惡乙袖重金乞袒怒麾之默子亶拔貢生而明敏有至性以父遇難山中遇忌日必離家避客有寡姊養之五十餘年默孫杰敘以歲貢選永明訓導未就琳敘森敘並附生森敘事母孝謹子立葵亦歲貢杰敘琳敘立葵並有集

曾大東

字巖山太平都義民志遲族曾孫

仗義好施萬曆二十二年郡

大饑洶洶將亂分守道金學會設法振濟大東謁推官楊廷蘭請盡出所積助振學會聞即日單騎往分遣屬吏駐其莊發穀兩月始盡都計九萬餘石方啟倉時學會令設櫃庭前持金者置封投內事竣啟視

邵陽縣鄉土志

卷一

歷史

耆舊

七

皆雜瓦石揀之得八十金為建橋曾氏宅字之曰巖

山事聞詔給冠帶旌其門入祀孝弟忠義祠

同時大東從弟

大瀟字龍山亦以穀八千石助振妻周氏復煮粥食餓者守道扁其門曰厚積多施從子永弼字泉塘亦出粟四千餘石以助與大東大瀟齊名時稱太平三義士大東族子永善崇禎中歲大饑盡出藏粟請官分振永善字貫山年八十卒當大東助振時鄰近萬安都李重珍年七十矣捐穀萬餘石學會請於上給以壽官

曾守魯

字得之萬曆二十五年舉人城內田家灣人

祖一貫由貢任阜平知

縣母老乞歸守魯少負奇氣仕終陽山令初任葉縣當衝途疲於迎送守魯勤求民瘼不阿上官尉某撓

法按之不稍徇反為所中改崇陽教諭尋遷陽山多
惠政弟守訓萬歷乙酉舉人任延平推官有清操轉新甯知
州不赴

陳九鶴字鳴皋曾守訓同年舉人與車萬合王嗣乾嗣翰等同祀鄉

賢見五家從祀錄九鶴初以父業儒未就憤志於學父沒侍

母四十年不出家故不豐常分租入給族屬貧者崇

禎庚戌歲大饑府志作壬午鬻產市米為糜粥數處以飼

餓者參政黃公輔旌其義行甲申後檄任嘉禾知縣

邑小而殘撫綏噢育子遺賴以保聚

邵陽縣鄉土志 卷一 歷史 耆舊 五

簡而廉字維方西鄉永成都溫村人祀鄉賢生百日失父祖母王母

尹辛苦育成早食餼通五經尤邃宋五子書屢舉孝

行年五十五以歲貢授慈利訓導日夕思母跪誦孝

經未幾棄官歸養著孝經解以廣錫類晚歲講學不

倦戒後嗣毋得充胥吏著有太和篇學聖安止諸說

子文灝文瀚文灝俱以學行名文灝崇禎末年拔貢國變後自稱先朝處

士著有柏園詩集文瀚文灝入國朝俱歲貢文灝考授訓導未仕與兄文灝亦祀鄉賢文灝子潔

亦歲貢曾孫厥修以貢官永明訓導署庫廩不蔽風雨厥修安之課士不責修脯

車大器府學生東鄉白馬田人性孝友季弟大敬繼母出也友愛

特篤愛其子如已子大敬事兄恭謹逾恆人人以是
兩稱之家貧以教授為業車氏子弟多出其門人稱
長者大敬廩生兄大同仕滇南鬻己產壯其行雖八
口不贍不恤為學一軌於正衣冠不寢不釋或乘醉
侮之不與校獲偷兒贈粟令改行年五十後始生子
秘書卒年八十二著有書經解兼邃醫星卜五行之
學祀鄉賢有張朝瑛者字劍光曾祖寬甫仕元為戶
曹祖世達洪武初詔錄元臣屢徵不起以
壽終朝瑛性孝父授以寬甫教約世達遺
書未嘗不三復流涕廬母墓白鶴雙繞

蔡仕用字汝賢萬曆十
六年貢北江人蒲圻教諭禔躬耿介待人和易
邵陽縣鄉土志卷一 歷史 耆舊 五九

士無豐約一以禮遇之當事敢言諸生不率者必正
色責不少假借陞德安教授學官弟子依依不忍別
有泣下者相與立豐碑於明倫堂大書泮水甘棠四

字邑人謝鵬舉記其事於碑陰見蒲圻志又有繆賓
李鳳至楊
一鵬楊文明者皆以貢官繆賓萊州通判拂衣歸李
鳳至知縣性澹退楊一鵬官教授有文行九舉鄉飲
卒年九十五楊文明沅
江教諭質樸有古人風

陳大德事祖母謝母劉孝養備至萬曆中歲大歉奉母
命輸粟百石得給冠帶少孤事世父如其父兩弟在
襁褓孤長求析箸大德曰古人九世同居豈余不能

善待弟耶。因泣下。兩弟亦泣。遂止。有范約者五世同居。又曾璿書忍

字碑示子孫。子廷俊克繼父志。四世同居。又王暹素行端謹。兄道早喪。事寡嫂陳氏如其兄。教養兄子

鑑逾己子。鄉人貧不能婚葬者。助之。卒年八十二。又范宗廷段彬均視兄子如己子。能振人急。宗廷舉

鄉飲賓。彬卒年八十。五里人塑像祀之。

李光培。字青陽。天啟辛酉恩貢。城人。指揮李氏之後。與父成大相繼以恩例

官滇南。皆以廉惠著。居官三載。囊橐蕭然。光培內行

甚篤。為古文辭。下筆千百言。不起草。早歲劉應龍器

之妻以女。晚精於易。著述並佚。又李獻明。父命嗣族父某。性孝謹。敦大節。

所嗣父晚歲生子。愛之甚篤。所得廩膳束修。日用外俱以予弟。文行稱於一時。母弟光化舉南渡後丙戌

邵陽縣鄉土志 卷一 歷史 耆舊 卒

鄉試亦獻明所教成者。獻明崇禎五年以歲貢廷試授郴州學訓導。卒於任。

胡仰明。字午樓。少孤。為寶慶衛掾。遭笞辱。因發憤攻苦。副貢。

以副榜恩例得貢。授溆浦訓導。道光府志卷第二十六選舉表作教諭。

嘗感時事。上書執政。仰明事寡嫂如母。事師如父。年

八十。猶手不釋卷。仰明之友陶世存推獨行君子。父廷憲以貢官萍鄉教職。世存崇禎

改元貢。積學守禮。自奉刻苦。有一冠十年之風。

劉孔暉。字默庵。天啟元年舉人。今東鄉新甯四都馬家橋有故宅。殉難新鄭。諡烈愍。

祀鄉賢。先世籍廬陵。祖祐客邵。因為邑人。父汝能。食

餼最遲。學宗姚江。所後母失明。侍養不懈。孔暉年十

三見賞督學董其昌母彭卒坐臥匱側三年形毀骨立崇禎朝授龍陽教諭課士最勤十四年擢新鄭知縣流寇充斥或謂宜少俟孔暉毅然趨鄭至則謁子產祠歎息久之鄭城單薄且圯兼值大旱李白成來攻孔暉親斬豪紳縋城降者賊登斫其臂幾死會賊去獲甦遺書報父謂老父不得盡孝之子得死忠之子亦可無憾踰月賊至矢石俱盡城陷被執賊見其印繫肘先折臂取之執至朱仙鎮見自成怒罵不屈遂遇害月餘鄭人收其屍面目如生事聞贈尙寶卿

邵陽縣鄉土志 卷一 歷史 耆舊 空

蔭一子入監崇祀名宦鄉賢 國朝通諡烈愍著有

霞屏樓集子應祁字澹山入國朝順治十八年歲貢前後六修志乘素以豪俠自喜卒年八

十三為一郡掌故文獻所寄風義隱然子忠詒節詒均以文學名忠詒著有丹溪集知止園詩節詒晚構

草廬於龍山之月巖號月坡散人著有停雲堂還讀齋詩

盧大受字德華世為寶慶衛百戶時號東關外盧氏 殉難羅田祀鄉賢父泗

以義行受冠帶大受性慷慨平居國士自命崇禎初貢太學廷試授羅田訓導流賊羅汝才擾湖廣久大受偕知縣梁志仁日夕倣備豪民江猶龍者陰送款汝才志仁捕之下獄猶龍潛導汝才別校於八年二

月來攻城陷志仁巷戰賊碎其支體焚之欲屈大受
大受忿罵不止死汝才在英山馳至斬其別校事聞

祭葬有差大受贈國子學錄見明史忠義梁志仁傳國朝敕

祀忠義祠大受子應登順治十年貢生官澈浦教諭初大受妾有孕嫡不懌應登密白父置諸

外謹視之父沒後友愛不衰

姚世儒東鄉富陽一鄒甘棠里人殉難甘州官甘肅撫標中軍崇禎

十五年闖賊李自成陷蘭州進逼甘州巡撫林日瑞

被執不屈死世儒與中軍哈維新及總兵馬燠副將

郭天吉等並死之宏光時偕賜祭葬事見明史林日瑞傳及通鑑綱

邵陽縣鄉土志 卷一 歷史 耆舊 空

目三編通鑑 輯覽諸書 國朝通諡烈愍

唐遇衡字國祚廩生時稱北江唐氏本姓劉邑人所謂劉唐者也張

獻忠將至遇衡倡義旅堵禦城陷不屈罵賊而死一

家男婦死者四十餘人幼子正玉甫十歲為賊擄去

稍長乘閒脫逃乞食為傭康熙三十五年始歸有陳明弼

者廩生與其友朱萬祺同師劉孔暉明弼質樸愿誠而勇於義邑有大利害抗論於眾無所避孔暉器之

潰將王進才據寶慶縱兵肆掠明弼率眾堵禦因被害萬祺力敦古處以孝友聞

雷大壯縣學生負氣節博學能文時邊事棘思為有用之

學流賊四竄湖以南郡縣相繼陷語妻陳曰天下事

竟至此乎。男兒死耳。甲申之變。悲憤不食者累日。戊子。大兵下寶慶。薙髮令下。與其妻對泣。已而曰。男兒上不能捐軀報國。下不能全髮膚。以見先人。何以生為。遂負石自沈於河。陳氏亦殉焉。李鳳翼亦縣學生。其父春回。以積善聞。嘗被監司旌獎。鳳翼篤老攻苦。年九十矣。癸未之變。賊陷城關。鳳翼知不免。曰。吾其死矣。於後大兵來復城。鳳翼闔門自焚。僕婢皆趨死。恐後。

歐陽國彥。字用甫。縣學生。北鄉隆回里人。性端介。子弟無大小。行坐無

敢失次。遠近欽之。流寇掠隆回。其首預戒其下。無犯

歐陽先生。廬寇至。國彥端坐觀書。神色不變。鄉人倚

邵陽縣鄉土志 卷一 歷史 耆舊 三

之。子介。有父風。當事行部。嘗過其廬。咨問邑事。孫鉢年十五。補弟子員。練勇拒潰兵。賊莫敢犯。久之。誘

與面語。中飛矢死。鄉勇號泣報仇。一可抵百賊。因潰走鄉里。亦全。

黃昌國。字啟明。一字慕園。府學生。東鄉三溪都墨溪人。父吉星。以俠聞。湘鄉天

王寺賊之變。昌國率弟昌圖。昌代。佐父團練鄉勇。從

司理李夢日。禦賊於大陂頭。卒蕩寇氛。性孝。奉母避

兵巖穴。侍膳寢如常。賊首王進才跡至。兄弟被執。昌

國給賊。釋嫡母弟。安母心。卒以計脫。不及難。永明立。

屢招弗出。後遜入墨溪深處。束髮以儒服終。昌圖於縣初內

附時民多。以逋賦罹法。出私財代里中輸之。凡三年。鄉人感其多行義。卒時相與立廟祀於社。昌代當

王進才。其嫡兄於古嶽山。走詣賊所。涕泣請代賊。義而釋之。國朝乾隆丙辰舉人。日文鐸者。係昌國曾孫。

喬汝遷。其先曰成。甯陵人。洪武初。仕封開國定遠伯。生

長將家。習騎射。嫻韜畧。湖湘亂。集豪傑子弟。日事團

練。袁有志據武岡。黃橋鋪。尋侵邵陽。守備李日儀率

軍往禦。激變為民所殲。汝遷別將一軍。偕同知田華

國。從劉承允會兵堵截。禽有志。磔之。張獻忠黨既陷

寶慶。由新甯掠武岡。承允輕騎躡之。賊遁。汝遷率鄉

團追遏於鷺口。屬新甯木山村地。殄殲殆盡。桂王建國。屢著

邵陽縣鄉土志 卷一 歷史 耆舊 盜

功績。積功至都督府左都督。加太子少保。封開國定

遠伯。特進光祿大夫。賜誥命。後不知所終。

車以庸。字登庸。白馬田車氏。善書算。有膽畧。累官左都督。車氏世

以文學顯。以庸獨曰。天下洶洶。毛錐子何能為。日習

超距搏擊之技。能於百步外。投石中飛鳥。走獸。明季

崎嶇楚粵。滇黔積功。累官至左都督。加太子少保。滇

黔內附。棄官歸。未五十。卒於家。

羅經禮。字邦儀。東鄉中鄉二都鐵塘人。累官都督同知。狀貌魁梧。有膂

力。喜任俠。明季里豪市魁。多以意生死人。有竊一瓜

磔以徇者。經禮所至。暴桀斂迹。何騰蛟開闢湖南。欲招奇材劍客。馳書經禮。一見大喜。署前鋒。以功授遊擊。隸劉承允麾下。進參將。尋遷都督同知。因大建幕府。募精壯。爲恢復計。已承允降。騰蛟殉難。撫膺歎曰。天下事不可爲矣。以悲憤卒。家年四十二。

廖晟。廩生。北鄉隆回五都黃堡人。讀書尚氣。痛明之亡。慨然有肥遯

從亡之志。桂藩在武岡。從臣度支不給。晟毀家供扉。屢以功授府經歷。順治庚寅七年。走謁桂王於梧州。歸則寶慶已爲鄭親王所取。晟乃起兵黃堡。與馬進

邵陽縣鄉土志

卷一

歷史

耆舊

五

忠聯絡。郡雖內附。隆回五都以南。猶阻聲教。桂王授晟監紀同知。岷宗人朱禋黎。以郡王支子駐隆回。實藉晟爲羽翼。順治十年癸巳。桂王羈安隆州。晟走謁王。不得達。十二年。副總兵楊武。以王命偕晟回寶慶。偕府志作俾。此從縣志。陰圖進取。且授其子暹監紀知縣。晟聚糧戒徒以俟。未幾。王走緬甸。天下大定。晟知勢不可爲。始散遣部曲以老。吳三桂據衡州時。徵之不去。猶大張示於晟所居之宅。俾兵過不得騷擾。

王玠。字匪石。廩生。北鄉新甯都石馬江人。居距城三十里。性豪家。饒知世

將亂散金結客郡邑大利弊長吏多造訪歲戊子何騰蛟殉節湘潭家屬百口無所歸賴玠以濟明亡後棄巾服為僧嘗與大錯和尚錢邦芭及同族王嗣乾車以遵諸人遊白雲巖見邦芭記同時魏楚朝隆回都人亦寄迹僧舍性好施值大雪數日里無乞丐迹自負米冒雪行四里許於地名祖師殿給之並喜吟曾題

寺壁有安得化幻身往生安樂國之句幾於蕞楚遺

音時又有眼石和尚者黃氏子名不傳崇禎癸未以亂離出事戎行為千夫長入蜀積功至鎮將迎桂

王遷錦衣指揮丁酉之役割棄一切入黔之西山為僧最後卓錫武岡伏牛山有說三帥安黎庶事見車

邵陽縣鄉土志

卷一

歷史

耆舊

突

无咎天龍峯眼師塔誌銘

唐正垣

字玉瓏北鄉新甯都新田鋪人

性厚重有識力明末流寇充斥

母沒權厝未葬寇數人來犯正垣挺身往捍寇擬以

刃正垣掣而奪之寇皇遽失措正垣曰去吾語汝屈

其刃而擲之寇以是相戒不犯新田一境藉安唐氏

塾師龍丙江西人流寓來邵正垣識之窮餓之中延

館其家分宅以居並為置產成室唐氏子弟從之遊

者因並有成

唐國讓字心堯縣學生讀書講學終身不履公門人有凌藉之者不與較或詆

以樸懦國讓輒以婁師德自解家晏如也督學使優獎之

黃景臻字楚岷一字隱君北鄉小灘人嘗破產救人之急不令人知王

進才踞寶慶殺戮屠毒北鄉最甚景臻百計調護子

遺稍甦縣令丁宜仁前知府有惠政丁永祚之子棄

城走依景臻割宅居之景臻所居在小灘萬山中寇

所不至以令故環搜四十餘日室廬皆燼先是令寄

數千金景臻家臻為土室窖之丁僕偵知竊匿他所

事平發窖無有竭力舉債償丁會匿金出仍以畀令

語眾曰人窮歸我闔門七十口死亡殆盡今存者僅

五人義當有以贈之又廣西宦某以憂歸道龍溪為

邵陽縣鄉土志 卷一 歷史 耆舊 李

流寇所劫遺一女啜泣溪上己自縊死景臻聞親往

祭奠葬之以禮

劉永發幼習舉業尋棄去由掾吏考授崇德縣丞泣事

敏練時邑令亦楚人每有疑獄輒送之鞠既歸督農

課子不懈族眾隸學官為弟子員數十或不循禮法

永發裁之以義終其身無敢妄行末年以產讓兄撫

兄子如己子家故饒闔門百口居室軒整鼎革後縣

城尚完戊子秋潰兵據之流毒遠邇永發率鄉人自

焚其居亂兵乃去孫婦歐陽氏以節烈聞人以為家

教所致

永發最老壽日觀孫曾青衿不替卒年九十一

羅英

字若庸一字得我歲貢生東鄉中鄉都鐵塘人

明季遺老與衡陽王介之

夫之兄弟交莫逆邑人稱貞士逸民識與不識皆尊

之曰得我先生者也當勝國末瞿閣部式耜知英才

與志可圖事禮致之英上觀乾象俯察人事堅辭不

就乙未後天下畧定薙髮令下英避入萬山中當事

知其賢不加迫責壽八十三卒夫之子啟誌其墓云

膚髮等泰山之重冠裳從朔初之風英性篤孝母病

盲求醫數百里外哀號懇懇行路感動

時有彭大方者再試不遇

邵陽縣鄉土志

卷一

歷史

耆舊

奕

棄去怡情詩酒既葬其妻彭家衝語壻羅玠吾無子他日亦欲葬此盍為我建庵以守庵成名曰息壽移居之薙髮令下更結茅庵後深僻人迹不到處實圖史其中雖玠與子姪候之不見居十二年卒又諸生劉邦箕鼎革後初服不改年百有四歲一夕端坐逝英之同族從義字養浩附生祖時仰父維極世以隱耀重中鄉從義頥秀美髭髯穎慧絕倫以世亂深自韜晦閉戶默誦與同縣車以遵而陽劉維贊衡陽王介之夫之交好夫之奉母避亂中鄉流離之中適有甯居從義周全之力也性嚴重端居言笑不苟事孀母彭不改嬰孺之色丙行篤兼善治生雖處亂世顧瞻俯仰寬然有餘入國朝年五十七卒夫之誌其墓子瑄廩生書多手寫從義病噎瑄畜數牝牛每五更起熟牛乳進之事繼母尤孝謹

車以遵

字孝則徙字孝思自號劬人一號劬園廩生父大任見前

明季遺老誕時有

文鳥入樓之兆崇禎中詔舉人材以母喪未赴餼滿

當貢巡撫復薦之張獻忠陷寶慶逼紳士受偽職以
遵投繯免永歷時授撰文中書不應入國朝屢薦

不出以布衣終卒年八十三著有邵乘臚句聲香閣

草高霞堂正續集貝葉集凡百餘卷明末詩多宗竟

陵以遵獨與異陶汝鼐稱其晚年思益沈學益大品

益高以遵兄以達以遴以達萬歷庚子副榜著有京

萬合閱書一覽無遺湯顯祖奇之甫九齡即為督學

董其昌所賞甫逾冠舉天啟辛酉鄉試第一考官繆

昌期以曾鞏日之昌期罹瑞禍萬合大痛服弟子服

不為懼旋憤恚不食卒萬合子鼎黃字理中號匪莪

崇禎壬午副榜未赴廷試明亡隱居不出著有還雅

堂集邵陵風雅集嘗聘修湖廣通志屢舉鄉飲大賓

俱辭不赴子无咎詳後以遵子萬含萬期萬含十

一歲補弟子員讀書一日十行下有柿寫堂草萬期

係康熙時歲貢年七十四

著有兩石齋稿月村稿

甯朝柱字六擎一字迴瀾永歷丙戌舉人東鄉明季遺

老年十五貧為人傭夏夜挽桔槔作歌告勞聲達旦

里人周道宏方設義塾延師教里中兒聞歌招之使

讀三年通五經下筆千言立就補諸生嘗獨居芭蕉

峯下夜然松脂照案苦無書擇藏書家授徒因得恣

覽益博洽歲丙戌以五經魁楚士名大著朝柱與王

邵陽縣鄉土志

卷一

歷史

耆舊

充

曾光祚。字彝仲。諸生。東鄉。太平。都。曾氏。明季遺老。弱冠通百家言。馬世

奇使岷藩。一見呼為小友。郡守林龍采招住署中。與

語。烈皇躬殉社稷。輒嗚咽流涕。何騰蛟駐湖南。招延

豪傑。光祚陳時務。不用入。國朝高隱中鄉山中。植

梅數百株。吟其下。晚作先天圖說。頗有發明。所著潛

庵逸草四卷。自稱世外逸叟。邃谷野老。光祚沒時。金

德嘉志其墓曰。有明高士。

羅大宗。府學生。幼嗣世父忠朝。忠朝晚生子集。乃歸本生

父起雲。集六歲孤。大宗愛護教管。委曲備至。集諸生有文行。

邵陽縣鄉土志 卷一 歷史 耆舊 七

鄉人私諡文毅。鼎革後。起雲橫被誣罔。禍幾不測。大宗上下

調劑艱苦備嘗。始脫於險。比歸。家產已為其弟分析。

大宗不問美惡多寡。惟弟所指。後弟沒。其子坐窘。復

以己產分給之。不少惜。鄉里爭訟。待其言立決。

王朝卿。以孝著。初由貢任江油縣訓導。父爵以通判致

仕家居。年老失明。朝卿請於上官乞歸養。不允。遂棄

官歸。百計求醫。既而父目復明。大吏並旌其門。直指

楊宣具題。請以原官起用。其後伊敏生巡按來邵。復

疊加優獎。韓宗道廩生。十歲母病足終日侍榻不離藥。必先嘗。後母沒廬墓三年。當事以孝行。

純怡旌之卒
年七十八

吳思孝，字中門，南鄉開化里井頭村人。父奉先，有雋才。七試省闈，三中

乙榜，憤懣卒。思孝母亦旋逝，育於庶祖母伍氏，逮長

奉養最篤。自以少孤，鮮兄弟，友愛適李氏姊，甚至思

孝，有子五人，仲負異質。姊欲得以為子，思孝不違其

意，許之名曰李芳。後以應試歸吳，為吳李芳。思孝因

奉迎其姊偕居，令李芳母之。存沒殯養，曲盡孝愛。李

字茂生，年十六舉崇禎己卯鄉試，博洽多聞，通曉時

務，事桂藩為監軍道，積官至左都御史，兩廣總督。入

國朝，洪承疇將以原官薦用，初固辭，後以原名赴禮部試，成順治十八年進士，時四十一歲。歷官新喻、邵陽縣、鄉土志。卷一 歷史 耆舊 七

建始知縣，升固原州知州，固原民立碑紀其政績。卒年八十四，祀鄉賢。子伯夔、孫車泰。

蔡榮耀，以善行稱富而好施。郡垣北臨津渡，隕岸欹險，

榮耀捐金砌石，至今如履坦途。彭克濟為記其事。榮

耀復於隆回建石橋九，利人之事，無不勇為。卒年九

十八。又扈大賢趙懋易馬鍾瑞洪世賢皆勉於為善，

府旌其門。趙懋易每遇荒歉，首出粟米糜粥以食

饑人。馬鍾瑞諸生廉介不苟，當道重之。遇兩造訟

經年不決，縣官輒請鍾瑞至，令胥吏抱牘隨詣城隍

祠焚香跪讀官牘，聽分曲直。人多悅服，以解值歲歉

當事知其貧，給以義倉穀，辭多受少。曰：某所需止此

爾。洪世賢官保甯經歷，卒年九十三。子有治，樂善

好施，時稱父。子皆善士。

春臺字懷川以醫名性坦率無城府自其先世並業醫

春臺與人藥不問其值貧者日填戶或途遠不能日

至計其時日增減方藥與之無不驗敦孝友嘗延師

教其弟春藻成諸生盡以產分給諸弟以醫自給不

足又以所獲資之歲市棺木以瘞暴骸郡人士延請

無虛日巡撫張某稔其術嘗招致之有時不往也年

八十卒家無餘貲子力作自給卿之印祖父並諸生

病易儒習醫四方延診者戶常滿病瘳不問其酬貧病自醫藥外並周給之有一生甚貧大小試必為具

裝歲時薪米酒脯饋遺相繼某生亦若以為固然又李志道亦業醫喜施子時常平廣儲倉虛里豪以

邵陽縣鄉土志

卷一 歷史 耆舊 圭

志道富戶報官同時呈義狀者二百餘人分守道旌日尚義良民今案道光府志列李春臺於勝朝隱

逸傳後又於國朝者舊傳中列之任俠未免複出此從卷第一百二十六所紀

郭大勤字見吾給事刑科念刑讞案牘人命死生關鍵以

謹慎明練為主者倚信凡有大獄必以諮之直指或

檄主者推按鄰部亦必與俱大勤佐以廉平先後全

活數十人性廉介寬厚嘗拾遺金覓還其主置義田

周貧乏篤老親見子孫繁衍戊子歲潰兵至全家倉

卒奔散大勤匿草莽中為邏卒所得既而熟視拜之

曰此郭父也致以衣饌伴宿叩首而去大勤亦不知

其所由來也。卒年八十二。

郭氏有萬里者，幼當龔指揮，不就喜吟詠，游佳山水。

遇古字畫，購求不厭。中年喪妻，不再娶，晚獨處一室。所陳惟茗香，子弟奴婢罕見其面，無疾卒。今案大勤給事刑科，與萬里幼當承龔指揮，貴賤懸殊，似未宜一例並視。第利物濟人，不以貴賤而別，萬里推讓有守，固可嘉。大勤事尤令人觀感不置，特表著之。

伍寶者，以傭力養母者也。每得一味，必歸以奉母。冬身無完衣，主者憐其寒，遺以棉，受之不服，以遺母。曰：母年老，非繇不煖也。母疾，禱天請代。及卒，哀毀骨立，得棺鄉民伍蘭家以葬。願償役三年，日出往伍家服役。夜返，哭於墓。蘭憐其孝，勸之輟工，泣曰：母骸藉恩，不

邵陽縣鄉土志

卷一

歷史

耆舊

三

致暴露，若負恩不償。母目不瞑地下，且託迹在此，得以朝夕上母墓，至願也。工既畢，環墓盡哀而去。不知

所往。又有胡安壽者，父守愈病篤，割股肉以進，父瘞貧不能養，因鬻身為人奴，去家百里，母病復危，弟往告之，安壽泣曰：計窮矣，吾惟有心肝以報母爾。密禱於神，以小刀剖胃，割肝付其弟，療母復愈。知府陶琪親驗其痕，給以銀米贖還。所鬻行縣優卹其家，欲上其事於朝，會去不果。與伍寶俱見三楚文獻錄。又先後以割股療母病者，有胡廷玉、袁文學、沈子錦、馬子奇諸人，皆奉母疾獲痊。

右自羅大宗、李春臺以下，至伍寶，或舊文未著時代，或人微獨具至性，今並附於明季諸人後。明代邑內人物，略具於斯，餘詳舊志。